

句容縣志卷之六

儒學訓導淳梁程文仲昭纂輯
致仕同知邑人王韶思彞校正

人物類

名宦

晉劉超字世瑜琅琊臨沂人為句容令推誠於物為百姓所懷入為中書通事郎以功封零陵伯邑人肖像崇祀今縣治東北隅劉明府君廟是也

南北朝孫謙字克讓南齊為句容令清慎強記洞鑑幾微邑人號為神明

句容縣志卷之六

一

唐岑植字德茂南陽棘陽人以明經擢第授潤州句容令達於時事明於治理政不嚴而自肅化不令而人從在任加朝散大夫江東道黜陟使原乾曜重之因薦于朝張景毓撰德政碑見文章類

楊於陵字達夫陝西人漢太尉震之裔父太清倦宦客朔方死安祿山之亂於陵始六歲間闕至江左逮長有奇志十八擢進士調句容主簿時韓幌節制金陵性剛嚴少許獨奇於陵謂妻柳曰吾求嘉婿無如於陵賢遂妻以女後歷官至浙東觀察使越人飢曾請出米三十万石以濟之故政聲流聞入為京兆尹穰

宗立遷戶部尚書為東都留守數上疏乞身不許授太子少傅封和襄郡公俄以尚書左僕射致仕詔賜實俸讓不受於陵器量方峻進止有常度節操堅明始終不失其正時人尊仰之太和四年卒年七十八冊贈司空謚貞孝四子景復仕至同州刺史紹復中書舍人師復大理卿嗣復位宰相

邵全邁天佑間為句容令廉介不阿剛毅有為脩築城垣慎固封守民多德之

宋張似建隆二年為句容縣尉上書陳十事帝嘉納之擢監察御史

丘濬字道源黟縣人天聖中登進士第因讀易悟損益

二卦自此能通數知未來興廢早歲遊華陽洞景佑間求為句容令秩滿以詩寄茅山道友曰鳴鳳相邀覽德輝松蘿從此與心違孤峯萬仞月正照古屋數間人未歸欲助唐虞開有道深慚茅許勸忘機明朝又引輕帆去紫木年年空自肥歷官至殿中丞壽終八十一

方竣慶曆間為句容令廉慎有為愛民興學重脩夫子殿宇自為文以記之見文章類

葉表元豐間為句容令下車之初首詢風俗崇尚德化

以學館汗漏度縣南廢驛遷造即今之儒學也學成
自為文以記之見文章類

趙時侃金壇人慶元四年為句容令初縣有和買之弊
民甚困之侃狀其事上之於府乞均豁又脩學宮取
沒官田隸之以養士時人祀其像於學仕至工部侍郎
張侁邗城人寶慶二年為句容令政通人和百廢俱奉
紹定元年開放生池築亭作記是年有五瑞產於縣
境漫塘先生劉宰記之江千里有跋碑在儒學明德
堂內錄見文章類

張槩南徐人淳祐間為句容令脩德行政敦崇儒教製
祭服定禮儀歲將大比設文會以嚴課試生徒多所

造就邑民為之感化

王子吳字彥齊潼川人寶佑癸丑進士咸淳間為句容
令持身清正蒞政公平民皆頌德嘗構堂三間於廳
後扁曰明清趙子寅作記見文章類

龔濤字仲山東平人紹興壬申為句容令履行端方飭
吏治以儒術修舉廢墜首先學校士風為之丕振
吳琪括蒼人紹定間為句容令公平正大有守有為當
軍事方殷供應絡繹上不慢令下克撫綏田里晏然
絃歌滿耳故作興學校恢擴舊制試一新之

元程恭至大間為句容令存心仁恕勇於行義延師儒
教士子人多向慕又立鄉賢忠孝二祠以勵俗焉
趙靖至大間為句容令到任首建學校上司常歲科紅
花靖乃力辭以為非土產獲免民至今德之
李溥字叔敬彰德人至正間為句容令臨民簡重作事果
敢興學育材遠近咸愛戴之
張承務字士貴邯鄲人至正丁亥為句容令才識高邁
行政裕如當盜賊猖獗供應克期撫綏黎庶薦意廟
學本末具舉得為政之要

國朝

句容志卷之六

四

王成字國用湖廣蘄春人洪武初為句容令存心公恕
為事果毅賦役均平獄訟明決邑人以廉幹稱之
韓繼字思孝河間人洪武十年為句容令居官廉明不
事苛察民多德之

朱彤字彥功湖廣蘄州人洪武三十二年為句容令秉
持公直政尚寬平學校壇壝多所修理後陞浙江紹
興府通判

盧信字信忠浙江臨海人洪武三十二年任縣丞愷悌
仁恕苛刻不行後累官至刑部廣西司郎中

徐大安永樂十一年為句容令廉守有為凡於廢墜竭

力修舉民皆慕之

周庸節江西清江縣人永樂十五年為句容令持身廉勤待民公恕作興士類屏除奸邪陞膠州通判

許聰河南南陽府人宣德二年為句容令臨民簡易處事果決均平賦役作興學校後陞浙江鹽運司運判張昇浙江杭州府人正統初由御史出宰句容練達治體政教兼舉邑民為之感化

韓鼎浙江定海縣人正統七年由舉人為句容令存心正大行政簡要吏民多所畏服以疾卒於官

浦洪字會川浙江秀水縣人正統十四年由監生為句容令廉靜簡易惻悌慈祥尤善於琴大學士李賢薦

陞大理寺司副

劉義字循道山東諸城縣人景泰元年由舉人任縣丞廉公有為愛民如子天順初巡撫尚書李旻疏其績陞本縣知縣除奸革弊訟無停獄撫字勤勞視前益加嘗設社老治民婚喪禁止奢僭民皆化之成化四年滿去邑民送者遮道有兩任句容二十秋攀轅臥轍莫能留之詩今肖像祀之

張蕙字廷芳忻州人由進士為句容令矜嚴自持吏民畏服政平訟簡公庭肅然暇則以詩酒為樂隨處題

詠歷任三年其意屢加獎勵成化八年擢監察御史
徐廣字居仁曹州人由進士為句容令剛果有為恤貧
弱化強暴尤留心學校重建大成殿修葺兩廡戟門
吏部侍郎尹直作記成化十七年行取赴部未及擢
用而卒

梁駿通州武清縣人成化間任本縣典史秉性剛直持
身廉介居官八載終始一心督造黃冊分毫無染吏
民無不敬服梁以幕職而能守廉可謂難矣

賈禎字廷瑞陝西安化縣人由監生成化二十一年為
句容主簿蒞任三月平易愛民時值亢旱徒跣躬請
三茅山迎龍禱雨往回拜跪一念之誠期在格天冒
險行至城隍祠下偶罹暑毒卒縉紳士夫以至鄉民
感嘆不既皆形諸歌詠以哀挽之

李澄字天映西華人由進士為句容令心存仁恕政尚
清勤嘗遍書訓詞勸民為善捐俸市藥以濟貧病買
地立阡以葬窮民成化二十二年行取赴部擢監察
御史

王僖字太和浙江長興人弘治初由舉人為句容令守
廉勤政存心愛民下車遇旱禾稼將枯設壇祈禱徒
跣懇拜三日甘雨如霖因獲有秋士民形諸歌頌且

興學育才急於首務積穀備荒尤加意焉

師儒

元劉德秀至元間為本縣儒學教諭善於啓迪與令李允中同心協謀重脩明德堂刻累朝封號綸音於石胡體仁字長卿縣之坊郭人性敏工文授本縣儒學教諭其家世以儒鳴

國朝

許淳字好古縣之坊郭人治書經洪武間以明經保任本縣儒學訓導後陞贛州府瑞金縣知縣

朱純字子一縣之來蘇鄉人治詩經由儒士任本縣儒學教諭善詩文

樊傑字楚英縣之坊郭人明書經能古作洪武初知縣
黃守正以經明行脩保任本縣儒學教諭號寧野

胡執字善養縣之坊郭人治易經由儒士任本縣儒學
訓導能詩文

江源字本初縣之坊郭人治書經由儒士任本縣儒學
訓導能詩文號牧隱

鄺子輔湖廣郴州人永樂十八年由舉人任本縣儒學
教諭質直老成不事阿佞能以師道自尊迄今生徒
稱之

趙學拙字輔之南平人永樂間由舉人任本縣教諭操
履端方學問該博修理學校訓誨生徒咸盡心焉有效

向容縣志卷之六

類集行於世
陳信字秋鴻浙江嘉興人宣德間由舉人任本縣儒學教
諭博古通今工草書善吟咏縉紳多推重之後陞南京

武學教授
陳玠字廷珎江西南昌人正統初由舉人任本縣儒學教
諭以詩經教授諸生勤懇不倦隨其資稟高下嚴立考

試之法務使學有進益後陞常州府學教授
林瑱字廷美福建莆田人正統四年由舉人任本縣儒學

訓導長於問學勤於施教以書經與陳玠先生協心訓

導

誨寒暑不怠以致科第相繼不絕至今詩書二經習學者多其源有自後陞蕪湖教諭

黎真字自誠河間任丘人正統十一年由舉人任本縣儒學教諭學行老成規矩嚴切生徒多得其啓迪所以科甲不乏人後陞鰲山衛學教授

徐光大浙江紹興府會稽縣人景泰間由明經保任本縣儒學訓導處已端方施教勤敏後陞國子監學正轉監丞陞湖廣楚府長史卒于官

陳汝圭福建侯官縣人天順間由舉人任本縣儒學教諭立心端正施教嚴肅弟子出於其門者皆知所向而造就之功居多

○句容縣志卷之六

九

徐軫福建侯官縣人成化間由舉人任本縣儒學教諭持身不苟施教有方師生之間恩義兼盡又能敦睦僚友尊禮士夫和氣春風藹然可敬滿去有送至數程不忍其別歸老於家不復起

潘浚字道本江西安福人成化間由監生任本縣儒學訓導能傳家學善教後人每於諸生講論必誘掖獎勸不以師位自尊故人之遊於門者益多士風為之一變而巡撫尚書王恕以其才能行咨吏部成化十九年陞當塗縣儒學教諭卒于官

鄭賢字良佐福建南平縣人成化間由舉人任本縣儒學訓導為人端謹教條績密恩施弟子禮重士夫至於辭受取予一揆於義而不苟焉滿去人皆思慕不忘陳元字文舉莆田縣人弘治三年由舉人任本縣儒學教諭存心正直問學優長蒞任以來終日端坐堂上與諸生講論探極奧義疊疊忘倦人皆悅服惜乎未幾遽以疾卒聞者無不哀悼

派寓

旬容縣志卷之六

十

唐顏真卿字清臣秘書監師古五世從孫杲卿從弟本山東兗州府人博學工書事親孝開元中舉進士擢制科調醴泉尉拜遷監察御史使河隴時五原有冤獄久不決天且旱真卿辨獄而雨郡人呼御史兩累官平原太守後因祿山煽禍起兵討賊有功玄宗曰朕不識真卿何如人所為乃若此累拜尚書右丞立朝正色剛而有禮非公言直道不萌於心天下不以姓名稱而獨曰魯公德宗時為李希烈所殺年七十六嗣曹王臯聞之泣下三軍皆慟上廢朝五日贈司

徒謚文忠賻布泉米粟加等詔子頤碩護喪還至句容葬於來蘇鄉虎耳山子孫迄今成族有顏魯公祠墓其村曰後顏村

宋呂祖回本河南鄭州人宋丞相呂蒙正之後文靖公呂夷簡之四世孫今從祀孔子廟庭封開封伯祖謙之從兄弟慶曆間厥祖希道判揚州摠領建康子孫因家句容祖回於乾道戊子寄居縣之東崇明寺文殊院南端平甲午卒葬于句容鄉蕭亭崗其子賢年景定壬戌卒墓營祖回同紹定六年縣司出榜云據太師申國文靖公孫呂祖回狀本家係本朝勲臣之

後西北流寓之家昨自乾道年間先父隨侍叔祖任建康摠領具備年給榜貼占崇明寺瑞像院空閑屋宇居止自後緣所住屋宇頽倒不堪就於原占地基上自行起造瓦屋七間存着老幼今來慮恐外人不知事因妄行搔擾陳乞給榜本家門首張掛奉書判榜頒至曉示至今印信榜文并文靖公遺像家譜文殊院祠堂俱存

劉光世本陝西保安縣人討賊有功拜鎮海軍節度使後從高宗南渡為江東宣撫使置司建康累立戰功封楊國公卒謚武僖後追封鄜王子博為句容主簿

至今子孫占籍句容之坊郭郡王遺像并追封誥勅俱存見製詞類

國朝

劉良一名良臣本高郵州人由人材任中書省照磨洪武二年六月奉

聖旨授承務郎應天府推官三年七月初一日在任病故親男

劉榮告給中書省兵馬都指揮使司文引般取家小回還原籍行至句容地方見得江北擾攘因寓居縣市後喜風土淳厚遂占籍縣之坊郭西南隅而以劉榮為戶今子孫世家焉

忠勲

唐劉鄴字漢藩句容人父三復以善文章知名少孤母病廢三復丐粟以養李德裕為浙西觀察使奇其文表為掌書記德裕三領浙西及劔南淮南未嘗不從會昌時位宰相擢三復刑部侍郎弘文館學士鄴六七歲能屬文德裕憐之使與子共師學德裕既斥鄴無所依去客江湖間陝虢高元裕表署推官高少逸又辟鎮國幕府咸通初擢左拾遺召為翰林學士賜進士第歷中書舍人遷承旨鄴傷德裕以朋黨抱誣死海上令孤絢父當國更數赦不為還官爵至懿宗立

辭去位鄴乃伸直其寃復官爵世高其義進戶部侍郎諸道鹽鐵轉運使以禮部尚書同中書門下平章事僖宗嗣位再遷尚書左僕射

宋徐時昇句容人登政和八年進士第歿于王事贈中奉大夫

國朝

孫炎字伯融句容人少博學善辨論長於詩歌

國初以延攬英雄從征浙東以功授處州摠制措置有方境內皆服後為賊所執極口大罵不屈賊怒拔刀叱解衣炎曰此紫綺裘君所賜者我當服之以死賊遂殺之追封丹陽男

句容縣志卷之六

八十三

紀廣句容鄉人鎮朔將軍特進榮祿大夫後軍都督府右都督鎮守萬全優恤軍士嚴明號令虜寇寒心邊民安堵景泰四年以疾卒于官

上為之震悼輟朝追封溧陽伯謚僖順弟勝扶柩還家遣官葬祭諭祭文見製詞類

文人

晉葛洪字稚川句容人吳葛玄之從孫家貧好學究覽典籍凡所著撰精核豐贍吳興太守顧秘檄洪為將軍都尉廷伏波將軍元帝辟為丞相掾以平賊功賜爵

關內侯咸陽初選為散騎常侍不就隱于羅浮山著述不輟

許淹句容人多識廣聞精古訓與魏模公孫羅皆以博學名家

南北朝

陶弘景秣陵人讀書萬卷齊高帝引為諸王侍讀永明中掛冠神武門入句曲山立館自號華陽隱居梁武帝少與之遊及即位徵之不出凡有大事必咨詢焉時人謂之山中宰相

吳唐固字子正句容人父翔為丹陽太守因家焉固脩

句容縣志卷之六

八十四

行積學稱為儒者著國語公羊穀梁傳註講授常數十人孫權為吳主拜固自陸遜張溫駱統等皆拜之官至尚書僕射子瓊別部司馬

梁周弘讓汝南人性簡素博學多通始仕不遂志隱於茅山累召不出承聖初為國子祭酒尋為仁威將軍城句容以居之號其城曰仁威壘

唐許炘字延基句容人邃於詩禮真觀間遷晉王府叅軍拜弘文館學士獻詩纂義十篇太子寫付司經御史大夫高智周見之曰欲明詩者宜先讀此

殷暹句容人有詩名善屬文天寶間仕為忠王府倉曹參軍

樊光旬容人詩律清竒文辭豐贍天寶間仕為硤石主簿
沈如筠旬容人善詩文與殷暹樊光齊名天寶間仕為
橫陽主簿

宋侯遺一名仲遣旬容人隱居茅山泐書院教授生徒
積十餘年自營糧食天聖二年王隨知江寧府奏請
於茅山齋糧所剩莊田內給三頃充書院贍用從之
周子華上容鄉人讀書以文名於鄉立義學教授鄉里
構樓三間集才人墨客講學賦詩丁宋季深遯不求
仕進五世孫時中思慕先德葺其樓扁曰孝思與處
真如心弘濟輩相繼講學於其上各鄉子弟莫不受

業人皆以儒門稱之

句容縣志卷之六

十一

元陰元圭字君錫崇德鄉人幼孤事母盡孝好學能文
為池州教授江浙行省丞相脫歡辟為掾遷餘杭主
簿以母老乞歸養號石澗先生贈溧水州判官父德
新贈溧陽判官母贈宜人

陰元愷字君舉元圭之弟重厚有文雋行孝弟由台州
學正改嘉興府崇德縣傳貽書院山長晚號東野先生
夏疇字君範旬容人家世業儒疇好學工詞賦尤工駢
儷自號北村築亭扁曰疊玉日觴詠其間所著有北

村集

樊仲式縣之來蘇鄉人博學工文變易雲峯先生胡炳文同郡李桓有文名得仲式文讀之深加歎賞從兄敬之號雲崑亦工於詩

趙作礪字公砥上容鄉人性穎悟好學少從雲峯胡公草廬吳公遊甚為二先生器重江南行臺以卓異薦除嘉興教授再調武康教授後為衍聖公薦除闕里教授晚歸于家以賦詩讀書自娛號礪齋先生

王肯堂縣之承仙鄉人博學雄文士林推重以觴咏自樂忘形於泉石間不就徵辟所作有肯堂集若干卷傳于家

國朝

趙壽字景先上容鄉人資性穎敏篤嗜學問所為詩文能追配古人有豪邁不可及者洪武十二年以博學薦試春官力辭不就職嘗自贊云謂爾為儒李不逮古而粗能讀其父書雖忝有司之薦而乃推而弗居謂爾為農四体不動而手不曾把犁鋤然則何為者間閭偃蹇之士山澤之臞也夫

江東字東之縣之坊郭人宋編脩江賓王之後也性穎悟工於詩文同時之人皆推重之

栢純字斯文縣之坊郭人善吟詩作文教授鄉閭子弟

多樂從之

孔騏字萬里縣之坊郭人博通經史優於詩文不仕終于家

胡禮字公禮號月灘釣者縣之坊郭人讀書博學脩身謹行不樂仕進喜吟咏恒以推敲鍛鍊為工當時縉紳士夫皆推重之有月灘詩集

周剛字南強號草窓縣之崇德鄉人為人性淡不近勢利自幼多讀書工於詩文隱跡山水之間不入城郭有貴家邀賞元宵各以詩曰勾容郭裏元宵夜兒女燈前笑語譁老子山中招不出坐邀明月看梅花所積有草窓藁藏于家

勾容縣志卷之六

六十七

胡璇字舜夫號雲麓坊郭人家素業儒璇克紹箕裘博綜群書卓然以古人自期待不為流俗所動工吟咏善書邑大夫累請鄉飲獨加禮厚年八十餘膺冠帶而終致仕同知王韶誌其墓有雲麓藁藏于家

張珂字孟声一字鳴玉號忍齋坊郭人蚤失父事母孝好學篤行涉獵經史長於吟咏教授鄉閭隱德弗仕其於窮達欣戚一寓於詩有忍齋藁藏於家

忠節 二公所言有忠誠節義之氣足以警人故並錄之

戎簡白容儒士多讀書有智識

太祖高皇帝既平陳理簡入見語及陳氏之事簡曰主上向者
敗陳氏於九江其衆既潰何不乘勝直抵武昌而乃
引還今雖克之費力亦多矣

太祖曰汝儒者豈不聞覆巢之下寧有完卵乎況事有緩急兵
貴權宜當陳氏兵敗我豈不知乘勝以蹙之兵法曰
窮寇勿追若乘勝急追彼必死鬪殺傷必多吾故緩
之遣偏師綴其後恐其奔逸料彼創殘之餘人各偷
生喘息不暇豈復敢戰我以大軍臨之故全城降伏

白容縣志卷之六

十六

一者我師不傷二者生靈獲全三者保全智勇所得
不亦多乎簡大悅服他日與諸將論用兵方畧因諭
之曰汝等非不善戰然臨事決機智或不足宜親近
儒者取古人之書聽其議論以資智識前日戎簡所
言吾雖非之然當時將校亦有勸我邀之下流而以
全師感之武昌賊衆可以全獲軍中皆以為奇謀不
知簡亦能言之然皆非吾意也汝等當思之勿以吾
不用簡言而遂輕儒者

見通鑑續編

唐起巖白容秀才住潘家村嘗為人言大德丙午有溧
陽士人挈妻寓館其村值歲荒學徒解散貧甚夫婦

以績網給食一日其夫携網出賣不復還家妻餒守空房中士有利其姿色者恒為給食居旬餘欲逼私之婦正色曰我非如是人也其人謂歲荒如此汝夫已餓死不還汝不從我我不供給汝亦餓死耳婦荅曰餓死與病死等耳我寧餓死不忍以非礼辱吾身其人絕去婦閉戶益嚴弥日隣左共開視之則餓死矣惜不記其姓氏以補貞節傳之缺見金陵新誌

賢良賢謂有德良謂有才人有二焉皆膺薦擢用故備錄之

晉許謚句容人少以博學知名仕為郡主簿王道蔡模辟從事不赴後官至散騎常侍

句容縣志卷之六

十九

後周戴宏字大本號木齋句容政仁鄉人累官至礼部尚書孫九成宋國子祭酒墓在唐陵村

唐許儒字文舉叔牙子高宗時為奉常博士初長孫無忌等議祠令及禮用鄭玄六天說後罷六天說止祀昊天乾封初詔祀感帝神州以正月祭北郊儒等議請循武德詔書遂祭昊天上帝及五天帝於明堂長壽中歷天官侍郎弘文館學士封潁川縣男

宋陳九思句容茅山鄉人諫議陳東之後東於徽宗時伏闕上書請誅六賊至九思仕為翰林侍制扈從高宗南渡愛茅山風景遂家於吳墟村棄官不仕

王宋句容承仙鄉人性資英邁博學能文紹興中為翰林學士雖事文墨而謀斷不亢深為劉光世器重進知府事主管江東安撫司後歸老於家結屋於白陽里觴咏自樂以終身號白陽居士

元孫善卿坊郭人以儒行保任提領陞揚州運司提舉孫彥卿善卿之弟由人材任浙江杭州總管府總管廉慎有為一方鎮靖方期顯用適以疾終于官

王德甫字體仁移風鄉人博學能詩元以儒行任真州判官公正有為保陞本州知州嘗元季飄然歸隱國初累召弗起營田築室種菊自娛號曰菊叟至今鄉人稱其所居之處曰官庄

國朝

張文昱移風鄉人以明經秀才任福建邵武府知府陞刑部侍郎善詩文尤工於書以所居之鄉有蒲塘因以自號

吳良崇德鄉人洪武初為耆老丰姿魁偉才識通敏除知府職署福建布政司事實授山東兗州府知府孫伯玉崇德鄉人洪武初為耆老公勤能幹除知府職署福建布政司左叅政事實授河南懷慶府知府徐添慶崇德鄉人洪武間為耆老公正有為除袁州府

通判致仕永樂七年復取署安慶府事

戴顯句容鄉人由楷書入監任戶部河南司主事

朱綽字克裕來蘇鄉人由儒士任平陰主簿善詩文尤長於楷隸

翁學字孟學坊郭人善草書寫竹永樂間以人材舉秘閣脩書授太常典簿降廣東瓊崖巡檢後陞廣信府知事卒于官

陳玉字溫瑜號雪崖坊郭人博學能詩永樂間以人材舉秘閣脩書應

制考龍河秋色詩拜官不就卒老於家有雪崖集

句容縣志卷之六

六十一

陳登字從善坊郭人篤信好古力學慎行其文詞制作高邁宏偉甚有古人風味元末隱於句曲山中優游自樂吟咏不輟

國初參贊元戎幕與孫炎栢融夏煜允中華輩才名相類平生所作極多後皆散逸所存者惟西掖藁

蔣用文琅琊鄉人永樂中以儒醫薦官至太醫院判

仁宗皇帝嘗稱其嘉言足以裨治道學士楊文真公言其所以受知於

上者能隨事獻規不專以醫也卒贈院使謚恭靖召長子主善世其官

孫英崇德鄉人由楷書入監授河南南陽府汝州判官
潘弘坊郭人由楷書入監授工部司務
劉復來蘇鄉人由楷書入監授

漢府工副

周保望仙鄉人以懷材抱德舉保授湖廣石首縣知縣
張良成坊郭人由老人任江西奉新縣丞

湯禹文坊郭人洪武間由人材任淞江鹽運司大使陞
山東青州府昌樂縣知縣轉陞南京刑部主事自幼天
性孝友居官公正廉幹縉紳士夫莫不重其賢且孝焉

鐵力必夫坊郭人由舉保任鴻臚寺序班

句容縣志卷之六

廿二

高冕字宗周瑯鄉人宣德間以精通曆學授欽天監
五官司曆正統間進階登仕郎尋陞秋官監副景泰
間進階承德郎贈父信如其官母張氏為安人封妻
王氏為安人天順間陞南京監正平生處已端嚴待
人和恕卒于官子輔授本監五官司晨

勅命四道見製詞類墓銘見文章類

沙瑛坊郭人資性明敏舉保習四夷字授鴻臚寺序班
陞通政司知事內閣辦事持身謹飭多為縉紳推重
王道明崇德鄉人以經明行脩授福建建寧府通判
曹冕字廷端承仙鄉人南京吏部尚書曹義之子以能

書選入四夷館習字授瀉臚寺序班內館辦事陞中書舍人進階徵仕郎贈妻李氏為孺人繼室陳氏封孺人為人聰明嗜學善於吟咏天順間丁父憂以疾卒于家有可齋藁 勅命三道見製詞類

周曦上谷鄉人性穎悟善屬詩文正統間以懷材抱德薦授江西瑞州府經歷

高輔字廷弼縣之瑯瑯鄉人南京欽天監監正高寬之子自幼克承家學精通曆數天順間授本監五官司晨為人襟懷瀟灑應事敏捷為縉紳間雅重咸以遠大期之偶會不祿人多嗟惋

句容縣志卷之六

廿三

周剛字克柔縣之上谷鄉人明敏好學善屬文薛蒙韓府襄陵王奏選授朝列大夫宗人府儀賓

王陵字仲高縣之移風鄉人丰姿俊偉攻習舉業蒙

荆府都昌王奏選授亞中大夫宗人府儀賓為

楚望縣主之配

誥命二道見製詞類

倪壽字仁夫縣之承仙鄉人性資純厚舉動合禮蒙

岷府 王奏選授 大夫宗人府儀賓

徐淮福祚鄉人聰明工於詩成化五年

恩賜中書舍人內閣辦事成化十年陞大理寺評事致仕于家

進士

唐胡悅字和仲縣之坊郭人會昌間登進士第任國子監助教

宋張識張認本縣人兄弟二人同登慶曆二年楊寘榜進士

江道道楊之道巫越同登熙寧九年徐鐸榜進士

徐時昇本縣人登政和八年王嘉榜進士事見忠勳

巫孝立巫伋本縣人同登紹興八年黃公度榜進士

苗昌言江漢本縣人同登紹興十二年陳誠之榜進士

江賓王縣之坊郭人與朱文公同登紹興十八年王佐榜

進士初任泰興縣主簿陞任翰林院編脩

句容縣志卷之六

廿四

湯彥昇巫克恭本縣人同登紹興二十一年趙遵榜進士

巫孝傑本縣人登淳熙二年詹駉之榜進士

徐桂子胡廷桂本縣人同登咸淳七年張鎮孫榜進士

元朝設科取士已有定制登名進士者未必無人連月考

訪皆不能得誠為缺典姑錄其補貢進士一名鄉舉解

元一名于後餘俟博雅君子補之

夏道山崇德鄉人元補貢進士今墓在胡塘之原

胡澤良字宗尹坊郭人元江浙省鄉舉解元任真州儒

學教官

國朝

趙權字仲衡句容人洪武初進士任邠州淳化縣知縣
吳斌字廷憲縣之崇德鄉人洪武間進士任河南河南
府知府

凌輅字用乘縣之瑯琊鄉人洪武十八年登丁顯榜進
士任湖廣漢陽府知府

劉永字延齡縣之來蘇鄉人洪武三十三年登胡廣榜
進士任四川瀘州江安縣知縣陞河間府滄州知州

范進字用升縣之孝義鄉人永樂二年登曾啓榜進士
任陝西西安府鄠縣知縣

○句容縣志卷之六

廿五

劉濬字子深縣之坊郭人永樂七年登蕭時中榜進士
任南京廣東道監察御史

曹義字子宜縣之承仙鄉人永樂十三年登陳循榜進
士授翰林院編脩轉禮部儀制司主事歷陞吏部文
選司員外郎中侍郎景泰初陞南京吏部尚書五年
推恩贈祖仲達父均昂皆如子官祖母李氏母經氏繼母吳
氏妻張氏皆夫人天順初

勅諭致仕五年以疾卒訃聞

上遣官祭祭

誥勅諭祭文神道碑俱見文章類製詞類

高志字味道縣之移風鄉人永樂十三年登陳循榜進士授工部主事洪熙元年進階承德郎封父王如其官母陳氏妻蔣氏為安人宣德二年陞本部郎中改山西按察司僉事提督學校兼管勸課農桑出巡卒于蒲州扶柩歸葬

勅命四道見製詞類

謝璘字彥珪鳳壇鄉人永樂十三年登陳循榜進士授刑部山西司主事陞兵部郎中有本身

誥命及封贈父母妻室共五道見製詞類碑記見文章類

周禮字本敬上容鄉人永樂十六年登李琪榜進士初

授陝西

輔府奉祀王重其老成有德保陞本府長史因次子綱選充儀賓改除江西建昌府同知廉靜寡欲導民為善景泰五年以禮致仕天順六年

詔進階一級壽九十終于家

張銘字士功坊郭人永樂十六年登李淇榜進士授行人司行人有才能善吟咏使於四方人多稱之陞戶部江西司員外郎改刑部四川司員外郎聽斷明允獄無冤滯以疾卒于官

誥命五道見製詞類

徐晉字善明坊郭人永樂二十二年登邢寬榜進士授河間府青縣知縣復除江西廣信府弋陽縣知縣質直好義與世多忤惟撫民興學甚得其道

張諫字孟弼坊郭人正統四年登施槃榜進士授行人司行人陞福建道監察御史景泰二年

勅進階文林郎封父逸如其官贈母孫氏妻王氏封繼室沈氏皆為孺人四年丁父憂廬於墓側產靈芝數莖服闋提督北直隸學校歷陞河南按察司副使順天府府尹成化二年出守萊州四年進為太僕寺卿七年以疾卒于官訃

聞遣官葬祭 勅命諭祭文神道碑俱見製詞文章類

張紳字仲書宗德鄉人正統十年登商輅榜進士授行人司行人陞南京雲南道監察御史清理屯田處置有方

奏立屯田則例至今奉行滿考受

勅命封父以寬如其官母周氏妻許氏為孺人景泰六年陞陝西按察司僉事時達賊犯邊給饋軍餉安撫邊氓有功受

誥進階奉政大夫陞布政司叅政後丁母憂改山東布政司叅政峻潔敢為上下推服

勅命四道見製詞類

曹景字廷璋承仙鄉人景泰二年登柯潛榜進士授福建道監察御史執政嚴肅治獄明允剛直不阿於時景泰六年

推恩封父琛如其官母高氏贈妻孔氏封繼室龍氏皆為孺人天順元年陞福建僉事成化七年陞雲南副使十年歸老于家

勅命五道見製詞類

曹宏向容鄉人天順八年登彭教榜進士任福建道監察御史陞陝西按察司副使

向容縣志卷之六

八廿

蔣誼琅琊鄉人成化二年登羅倫榜進士授杭州府推官改紹興金華二府陞南京河南道監察御史卒于官戴仁字以德臨泉鄉人成化二年登羅倫榜進士授太常寺博士陞山西道監察御史奉

勅提督北直隸學校有德其出處事實俱載墓道碑銘

許嵩字宗寅坊郭人成化五年登張昇榜進士任貴溪縣知縣為事勇敢不畏權貴為士君子嘆賞

曹瀾字文淵承仙鄉人成化十一年登謝遷榜進士任奉化縣知縣行政公平仁恕作興學校陞寧海州知州

湯鼎字用之福祚鄉人成化十一年登謝遷榜進士授

行人司行人陞廣西道監察御史後改廣東道剛直
敢言二十三年受

勅命進階文林郎 勅命一道見文章類

吳彥華崇德鄉人成化十七年登王華榜進士除戶部
主事持身端謹處事縝密弘治四年陞南京兵部車

駕司員外

倪綱字三正承仙鄉人成化二十年中春秋會魁登季
旻榜進士授行人司行人稟性剛直行事果敢

高平移風鄉人成化二十年登季旻榜進士除山東濟
南府淄川縣知縣律已廉能行事通敏

句容縣志卷之六

七

趙欽字思敬琅琊鄉人弘治三年登錢福榜進士

楊鉞字威之琅琊鄉人弘治三年登錢福榜進士任江
西廬陵縣知縣

鄉舉

宋張傑移風鄉人中紹興二年鄉試

江通道字達夫坊郭人中建德三年鄉試

徐雷煥政仁鄉人中淳祐十二年解元

徐龍伸政仁鄉人中寶祐三年鄉試

徐肯翁政仁鄉人雷煥之子中咸淳三年鄉試

張志杞移風鄉人中咸淳六年鄉試

元陳莖茅山鄉人中大德元年鄉試宋翰林待制陳九思

之孫任湖廣衡山縣教諭

江鎮字子固坊郭人中至大二年鄉試

○句容縣志卷之六

戴應麟承仙鄉人中至大元年鄉試管領建康等處哈

喇赤等戶提領參贊

國朝

嚴篋坊郭人中洪武二十九年鄉試任福建永春縣儒

學訓導

王鼎琅瑯鄉人中永樂元年鄉試任山西解州儒學訓導

陳壽鳳壇鄉人中永樂元年鄉試任江西南康縣儒學

訓導

尹鑑表蘇鄉人中永樂元年鄉試任真定府元氏縣儒

學訓導

張遠移風鄉人中永樂三年鄉試任福建道監察御史
王原通得鄉人中永樂三年鄉試

巫泰鳳壇鄉人中永樂九年鄉試任廣東廣州府檢校

吳謙茅山鄉人中永樂九年鄉試任山東兗州府通判

陳遜字克讓坊郭人中永樂九年鄉試任廣東雷州府

同知

曹暹字朝陽坊郭人中永樂十五年鄉試任江西清江

縣學訓導調四川重慶府巴縣學訓導陞大名府南

樂縣教諭教有法程人多造就生徒感德久而不忘

胡諒字伯貞坊郭人中永樂十八年鄉試任河南汲縣

儒學訓導

王煥字文輝崇德鄉人中永樂十八年鄉試任真定府

晉州學正

朱珉字德潤瑯琊鄉人中宣德元年鄉試任山東沂州

學正綽有學行善教生徒少傳楊溥薦陞湖廣荊門

州知州後以疾致仕

劉能字克夫坊郭人中宣德元年鄉試任河南上蔡縣

儒學訓導陞遂平縣學教諭

潘延字子陵鳳壇鄉人中宣德元年詩經魁除南京大

理寺評事陞南京大僕寺寺丞以禮致仕有評事

勅命及封贈父母妻子共五道見製詞類

李膺字守文坊郭人中正統三年鄉試任河南汝陽縣儒學教諭

嚴純字惟一坊郭人中正統九年鄉試任河南汝州學正王永寧字世安崇德鄉人中正統九年鄉試除河南許州學正稟性剛直立教詳明後以滿考選任

趙府紀善尋調保定府經歷卒于官

居輔字相之坊郭人中正統十二年鄉試任四川重慶府通判復除山東青州府通判邊夷播擾固守無虞歲歉民飢賑濟有方兩郡民皆德之以疾卒于官祭

酒劉宣撰墓碑

人句容縣志卷之六

廿二

華楨字廷瑞坊郭人中景泰元年鄉試任浙江温州府泰順縣儒學訓導復除陝西會寧縣學訓導卒于官

王韶字思舜移風鄉人中正泰元年鄉試任湖廣黃州

府蘄州同知因次子陵選為儀賓改四川重慶府合州持身端謹行政平易歷官兩郡民皆戴德暮年歸

老子家詩酒自樂飄然忘其世慮故別號歸閑道人

孔彥綸字朝音福祚鄉人中正泰元年鄉試任浙江台

州府通判

勅進階承德郎贈父孔安文如其官母王氏為安人封繼母李

氏妻周氏為安人居官公平廉恕勤敏篤實憲司屢加獎勸未及擢用遽以疾卒浙人至今稱之

包文學字崇儒上容鄉人中景泰元年鄉試任湖廣歸州知州公平廉恕綽有政聲成化十二年陞江西饒州府同知卒于官

王綬字仲章鳳壇鄉人中景泰四年鄉試任浙江桐鄉縣儒學教諭為人重厚質實存心以不欺為本復除嘉善縣儒學教諭兩邑生徒感德不忘

高清字本澄來蘇鄉人中景泰四年鄉試任四川漢州知州守已公正行事敏捷吏民皆敬服之後以疾卒于官

姚寧字彥清上容鄉人中景泰四年鄉試任長蘆鹽運司運判天資明敏性度坦率居官以勤廉自持以疾卒于官

蘇潤字廷玉瑯琊鄉人中景泰七年鄉試任四川安岳縣知縣存心公恕蒞政勤慎歸老于家以疾卒致仕同知王韶銘其墓

高諤字士傑移風鄉人中景泰七年鄉試任四川溫江縣知縣公勤有為廉介不阿憲司屢加獎勞以疾卒于官致仕參政張紳銘其墓

石堅字志剛坊郭人中天順三年順天府鄉試六年會試卒于回祿

徐玉字琢之政仁鄉人中天順三年鄉試以疾卒于家胡漢字朝宗坊郭人中天順六年鄉試任陝西澄城縣教諭精於經學善詩文曾聘順天府鄉試考官歸老于家性坦易甘淡薄遠近士多從之著述有良常集

李澄字文淵琅琊鄉人中天順六年鄉試任浙江蘭溪縣訓導陞山東鉅野縣儒學教諭兩聘順天河南考官王璿字宗璣承仙鄉人中成化元年鄉試任江西萍鄉縣知縣處已謙勤臨民簡易修舉廢墜罔不盡心後告疾還家弘治四年卒

凌傳字汝弼崇德鄉人中成化七年鄉試任浙江象山縣知縣興學育材節用愛民築隄障水民遂粒食以疾卒于官百姓哀慟如失所親立祠肖像祀之平生端重寡言笑博學強記長於詩文有鳴蟬象山蒼蒼于卷箴于家侍郎劉宣銘其墓

孫傑字君佐縣之坊郭人成化十年鄉試任四川成都府華陽縣儒學訓導九年考滿選任四川順慶府潼川州渠縣知縣

李永亨字天衢坊郭人中成化十三年鄉試

張德字志仁坊郭人中成化十六年鄉試
居軫字進之坊郭人中成化十九年鄉試
徐欽字承之政仁鄉人中成化二十二年鄉試詩經魁
魯鉞字宗威福祚鄉人中弘治二年鄉試

歲貢

洪深本縣人洪武十九年貢任京畿道監察御史

陳彛本縣人洪武二十年貢

湯恭本縣人洪武二十一年貢

張經政仁鄉人洪武二十四年貢歷官至浙江按察司

僉事

潘振坊郭人洪武二十六年貢任河南開封府睢州學
正卒于官

周迪本縣人洪武二十七年貢歷官至兵部郎中

王敏本縣人洪武二十八年貢任四川成都府威州判官

李鐸本縣人洪武二十九年貢

陳錡本縣人洪武三十年貢

湯室福祚鄉人洪武三十二年貢任湖廣沔陽州知州

劉俱本縣人永樂元年貢

陳申坊郭人永樂三年貢任浙江定海衛經歷

許安本縣人永樂四年貢任廣東按察司僉事

巫潤來蘇鄉人永樂五年貢任山西平陽府解州芮城

縣知縣

吳禧本縣人永樂六年貢任湖廣黃州府蘄州知州

嚴信仁信鄉人永樂七年貢任監察御史陞死馬寺少鄉

句容縣志卷之六

八廿六

胡潤本縣人永樂十年貢

王榮本縣人永樂十一年貢任順天府武清縣知縣

徐豫本縣人永樂十二年貢

樊繼字景昭坊郭人永樂十三年貢任江西南康教諭

自幼薦學敦尚古道至南康勤於啓迪於勢利紛華淡

然無所歆與諸生講學一以聖賢期之少保楊士奇

薦陞湖廣興國州知州毀淫祠崇正學以德化民至

於成俗嘗築隄障水以利民有虎為患禱於城隍兩

虎自鬪而死正統間致政郡人思慕不忘立去思亭

德政碑號其所築之隄曰樊公隄肖像祀之

周順字從理上容鄉人永樂十四年貢任湖廣沔陽州
州判才長有治聲與樊繼並稱於時

陳頤本縣人永樂十五年貢

胡定本縣人永樂十六年貢任義勇中衛經歷

武傑本縣人永樂十七年貢

包輝本縣人永樂十八年

許懋坊郭人永樂十九年貢任廣東東莞縣知縣

王哲本縣人永樂二十二年貢

張亨坊郭人宣德五年貢

江渺坊郭人宣德六年貢

○向容縣志卷之七

卅七

孔詵坊郭人宣德七年貢任廣廣州府永豐縣知縣

楊敏坊郭人宣德八年貢任浙江嘉興府秀水縣知縣

嚴旭坊郭人宣德九年貢任湖廣漢陽府經歷

倪睿本縣人宣德十年貢任浙江嚴州府桐廬縣知縣

吳琰本縣人正統二年貢任浙江湖州府長興縣儒學

訓導

蔡澄字宗濂政仁鄉人正統四年貢任浙江海寧縣訓

導陞金華府武義縣教諭

王賓字仲觀承仙鄉人正統七年貢任江西南昌府通判

茅容字仲儀茅山鄉人正統九年貢

陳福字天錫坊郭人正統十一年貢任直隸永平府通判
強和字得中上容鄉人性剛方好吟咏正統十二年貢
任江西饒州府守禦千戶所吏目

樊諒字友諒來蘇鄉人質直好義善規人過失正統十
二年貢任順天府東安縣知縣

劉惠字仲仁坊郭人正統十四年貢任浙江杭州府餘
杭縣縣丞

周良字得賢茅山鄉人景泰二年貢任浙江嘉興府嘉
善縣縣丞

張昂字公頌福祚鄉人景泰五年貢任四川叙州府南
溪縣知縣剛正廉能以執一忤人告歸邑民思慕立

德政碑頌之

曹隴字廷昭承仙鄉人景泰七年貢任山東兗州府泗
水縣知縣致仕卒于家

王鐸字文振上容鄉人天順六年貢任江西建昌府南
豐縣儒學教諭陞南康府儒學教授卒于官

呂霽字德崇移風鄉人天順六年貢任湖廣長沙衛經
應卒于家

孫琦字朝瑞句容鄉人天順六年貢任北直隸任縣儒
學訓導

王驄字至善崇德鄉人天順六年貢任湖廣湘潭縣主簿
經緯字中文臨泉鄉人天順六年貢任四川潼川州蓬
溪縣知縣

管縉字縉紳望仙鄉人天順六年貢任山東平渡州儒
學訓導

陳泰字子達上容鄉人天順六年貢任河南柘城縣儒
學訓導

許潤字時雨承仙鄉人天順六年貢任浙江諸暨縣稅
課局大使

經文憲字廷式崇德鄉人天順六年貢任北京羽林左
衛經歷改陞四川昭化縣知縣

白容縣志卷之六

廿九

陳釗字居用瑯琊鄉人天順八年貢任四川眉州青神
縣儒學訓導後除湖廣黃州府儒學訓導

陳鉞字良弼坊郭人成化二年貢任湖廣長沙府攸縣
知縣勤謹和緩吏畏民懷弘治三年歸老于家做人
感德且送且祝有甘棠德澤流芳遠滾滾公侯到子
孫之詩

陳璿字象器鳳壇鄉人成化四年貢任真定府冀州訓
導卒于官

曹祖齡字永年坊郭人成化六年貢任福建建寧府

寧縣儒學訓導陞河間府青縣儒學教諭為人質實
靡華訓誨不倦兩學生徒多愛慕之

張悛字志頽坊郭人成化八年貢吏部聽選卒于家

吳觀字子瀾崇德鄉人成化十年貢任山東東昌府丘

縣儒學訓導

鄒綸字邦濟來蘇鄉人成化十二年貢卒于國子監

楊勗字勉之崇德鄉人成化十四年貢任直隸廣平府

邯鄲儒學訓導

張綽字時裕坊郭人成化十八年貢任河南開封府儀

封縣儒學訓導好學善書樂於教育上司多推重之

許濛字景龍承仙鄉人成化二十年貢任江西饒州府

御陽縣儒學訓導

陶貴字天爵坊郭人成化二十二年貢任河南南陽府

光州儒學訓導

張瑾字仲瑛坊郭人弘治元年貢志甘恬退不樂仕進

選部高其義援例授以紹興府經歷歸樂田園

孔祖福字世澤坊郭人宣聖六十大孫弘治三年貢

吏員

姚理縣之上容鄉人由吏員任金吾後衛經歷

端士良縣之臨泉鄉人由吏員任河南開封府尉氏縣

縣丞

趙仲實上容鄉人由吏員任江西贛州府雩都縣縣丞

丁永成福祚鄉人由吏員任福建邵武府武縣主簿

龍博上容鄉人由吏員任湖廣平江縣縣丞

王弼字君輔鳳壇鄉人永樂間任浙江錢塘縣丞職專

撫民存心仁愛民賴以安且為人寬厚坦夷勇於行

義縉紳士夫多推重之壽終八十學士苗衷表其墓

句容縣志卷之六

四十一

倪俊縣之承仙鄉人由吏員任浙江湖州府長興縣縣

丞居官有為尤善教子綱以春秋中會試經魁

許敬字存禮福祚鄉人由吏員冠帶敦尚禮義嘗脩家

譜以睦宗族將及擢用遽以疾卒

夏域上容鄉人由吏員任河間府肅寧縣縣丞

陳勗承仙鄉人由吏員授順天府張家灣宣課司大使

九年考滿陞四川南充縣主簿

周順上容鄉人由吏員任四川成都府稅課司大使

紀珙任福建安遠寨巡檢 孫玘任福建安遠寨巡檢

王璉任兗州府滕縣典史 朱暄任安丘縣稅課大使

隱逸

宋徐洪字德遠號德軒縣之政仁鄉人昆弟五人通五經
皓首樂儒不求聞達翰林學士鄧光薦撰墓道碑見
文章類

周信庵縣之上容鄉人篤學能文耽於吟味景定間累
辟不就築室買田於白溪之上且耕且讀教授子姓
一以孝弟忠信為本嘗自題其像曰信庵年生七十
二經過庚子乙亥春庚子年赤地千里人食草木乙亥年兵師南渡自權自
力承家業榮辱無驚樂太真吾歸去別鄉親平生朴
直坦夷人今朝倚杖逍遙處風月無邊碧草新

句容縣志卷之六

四十二

朱南強字德方號東溪又號老黥醜縣之來蘇鄉人多
學善屬文為太學生有聲場屋適丁元季隱居不仕
以德化鄉里多所信服歲大飢人不聊生為粥以食
之賴以全活者數千平生所作有黥醜藁及歿王去
疾銘其墓趙孟頫為之書

元王德昇縣之句容鄉人多讀書有儒者風度至正間累
辟不起嘗自贊云貌癯不清心和且平厖眉皓首白
衣書生敬慎此身無毀無榮夫仁者壽中壽可名形
其形神其神此東崗老子之燕居申申

侯蕃字仲垣縣之通德鄉人天質秀發讀書通六經大

義標文詞過人邇在林泉徵辟累辭不就踪跡不入城府人以龐德公比之

國朝

李源字克中號本泉縣之坊郭人明周易理數之學書畫尤精妙

國初以碩德徵辭不就素愛松竹梅別號三益居士無為張真人慕其清逸嘗作書繪圖賦詩以贈厥後累召不起邑令朱彤周庸節每造其第咸禮重之

居仁字行恕縣之坊郭人學問該博德行老成模範鄉閭訓誨後進洪武初以儒碩

白容縣志卷之六

八十三

徵聘入朝與之對弈喜動

天顏賜以內醞辭不就職歸隱于家闢軒面竹披經閱史以終暮年曰彌瞻菴故鄉人以瞻菴先生稱之

湯禹賢坊郭人性孝友自幼綜理家務得父母懽心洪武中縣司以耆老有才幹欲薦用於時力辭不就惟讀書教授子弟晚構小屋於祖塋之傍耕田以供歲祀暇則招集親朋觴咏為樂孫睿克嗣先業尤勤於幹蠱人皆賢之

胡照字善明縣之坊郭人天性穎敏讀書三數過即能暗誦同游皆推讓之出入衣冠肅然雖燕居亦無惰

容永樂四年

朝廷取人材縣尹李濟以公舉於南京懇以疾辭不就因遂其高尚之志隱居吟樂以終身焉

張逸字伯安縣之坊郭人賦性不凡少隨兄誦成赤水讀書尚義事母盡孝兄沒與弟姪友愛尤篤年逾八十每食必同案思故園丘隴必謀與之偕還教子諫登進士第累官至太僕封福建道監察御史嘗之家範合子姓千指同居內外斬然士大夫皆敬慕之以為有古君子風烈

王諒字以誠縣之移風鄉人行純篤性孝友讀書窮理

○句容縣志卷之六

八十四

不求祿仕惟樂善好施見義勇為晚年結屋朱塘臨流種竹棲遲於中觴咏自樂別號竹溪清隱嘗自題曰竹以勵吾操水以澄吾心取適在至理焉知古與今邑大夫嘉其賢每召鄉飲尊為大賓壽終八十尚書楊寧祭酒吳節為之贊尚寶宋懷銘其墓

胡瑀字廷珩號雲窩縣之坊郭人性穎悟於諸子百家皆能精通尤善吟咏宣德間薦為醫學訓科不就惟杜門教授鄉間子弟景泰甲戌與脩縣志平生所作有雲窩藁藏于家

王珉字宗潤號拙軒縣之承仙鄉人賦性溫純持身謹

恪平居克盡孝友親喪極力塋葬一遵家禮弟璿令
萍鄉每以清慎勤囑之處鄉里公直是非不白者必
以理論無不信服尤篤於問學好吟咏於地理星命
之術亦究心焉享壽八十膺冠帶以榮終身

周濬字惟深號一松縣之上容鄉人質實無偽慎與人
交接一切勢利不經于心惟嗜讀書善屬詩文平生
足跡不入城市雖親隣非婚喪不往縣大夫知其賢
常過訪於家屢聘鄉飲懇辭不赴鄉之子弟多遊學
於門下遠近不名咸以老先生稱安成潘道本嘗傳
其事年踰八十精健如壯手不釋卷成化二十三年

膺冠帶以榮終身

朱景成字一真縣之承仙鄉人簡重好學不求聞達教
子孫以耕讀為業飲酒微醺輒歌咏自娛徜徉於四
平山中若與世絕號四平居士嘗自題甘隱卷曰世
事茫茫百不關白雲爭似此身閑冰絃暮夜溪頭月
蠟屐春風雨後山數畝秣田供稅賦四簷茅屋遠塵
寰朝朝睡足三竿日肯信蓬萊在世間

義門附義民

元王榮縣之移風鄉人五世同居長幼和睦庭無間言鄉
里歲飢輒出粟賑濟賴以存沒者壹百五戶捨棺殯

欽八十七人卒年八十三其日崙山震響人皆稱為
孝義所感延祐二年本縣以

聞江浙省行下

旌表門閭

國朝

戴睿縣之臨泉鄉人封太常博士自高祖谷安至孫戴
瀚七世同居長幼雍睦內外協和本縣勘實申巡按
監察御史何恍奏

准成化十七年奉禮部雲字五百九十五號勘合照例

旌表

白容縣志卷之六

四十六

凌泮崇德鄉人自曾祖凌春至孫凌謨六世同居長幼
二百餘口義氣藹然略無間言婚喪悉遵文公家禮
子孫無敢私蓄財物及私作飲食者又能輕財仗義
矜貧恤匱凡遇儒學橋梁脩造一皆倡始出金以助
未嘗有吝色與兄溥姪綜咸以出粟賑濟受

朝廷冠帶府縣屢以羊酒獎勸已行奏

聞旌表

義民

宋高志崇白容鄉人讀書尚義歲飢輒發粟賑濟鄉里自
縣治東北至鎮江府山石峽嶠行者病之志崇倡率

衆力鑿為通衢於山澗斷行處造數十橋以便徒輿
至今鎮江一路行者無復病馬漫塘劉宰回其所居
里號曰咸和居士

元王華榮之弟樂善好施值歲凶與榮協心出粟賑濟貧
乏死不能葬婚不能娶者皆傾囊相助平居與榮優
游歲時白首相處無所間隙人皆稱之曰王氏兄弟
不忝義門也

國朝

戴谷安臨泉鄉人群從兄弟一十二人協氣雍和若出
一母同爨二千餘指正統六年出粟一千一十石賑

飢本縣奏

聞旌表門閭景泰四年出粟一千二百石加以冠帶

筮均祥望仙鄉人輕財重義正統六年出粟一千石本
縣奏

聞旌表其門

孔彥懋福祚鄉人宣聖五十九代孫慨懷尚義里有貧
乏樂然周卹景泰間赴通州納米三百五十石以備
軍需

賜冠帶終身

凌溥崇德鄉人兄弟九人同居曰淵曰沂曰潭曰渭曰

治曰淮曰洋曰滔皆坦易無伎術合子姓千餘指共
爨無間言處鄉隣一以義讓景泰間出粟一千二百
石以賑歲荒

賜冠帶終身

唐得全句容鄉人仗義好施正統六年出粟一千二百
石景泰四年出穀二千六百石本縣奏

聞旌表其門更加冠帶以榮終身

趙慎望仙鄉人景泰間燕民大飢奉

例出粟四百石赴本處官司交納以備賑濟給冠帶終身

孫友忠句容鄉人

句容縣志卷之六

四十八

朱演來蘇鄉人正統九年各出穀二千五十石以賑飢

民本縣奏

聞同受冠帶之榮

孝子

唐張常洵字巨川句容鄉人高祖伯卿曾祖元紹並抗志
不仕祖慶靜烏程令父璋建州司戶常洵璋第四子
也建中四年父歿廬墓三年墓側產瑞芝十二莖太
守樊泌奏

淮旌表太和六年姪孫公挺亦以孝聞時人謂張氏孝傳三世
可革俗矣公挺兄公瑒以經學著名縣令李哲有記

見文章類

宋張孝友移風鄉人讀書不樂於仕事父母能色養慶元
弟尤篤友愛親歿廬墓六年嘗有五色鳥來集墓樹
人以為祥平居以德化人鄉俗為之一變縣令張侃
欲舉旌表因卒遂止題其墓曰張孝子墓

元樊淵字浩翁采蘇鄉人好學善詩幼失父事母至孝至
元十二年奉母避兵茅山兵至欲殺之見其抱母號
哭遂釋三十年廉訪司徵為吏母亡哀毀骨立皇慶
二年以孝廉旌表門閭後為清遠縣簿改廣東宣慰
司照磨有碑記見文章類

○句容縣志卷之六

四十九

錢浩翁采蘇鄉人幼孤能奉養其母至元乙亥有妹虜
於北軍母痛念不置浩翁為之遍訪大德庚子得諸
萊州時妹喪夫不果歸明年復往請省于母時母年
已八十三矣見之大喜隣里皆賀又十年母歿浩翁
年七十終喪不御酒肉不脫巾經隣里狀其孝行申
之於縣乞奏旌表會卒遂寢其事樊淵哭之有詩見
題詠類

國朝

唐保八崇德鄉人性至孝幼喪母力糲以養繼母朱氏
得父之懽心父歿奉繼母益孝嘗值歲凶白金一兩

僅易米數升保八釐所有得米以供其母而與妻子
啖草茹取充腸而已有子方二歲朱氏減食哺之保
八慮不能兼濟棄子於池中妻往救之得存後回鋤
地得窖錢三斗舉家賴以活命時人號以唐郭巨云
徐欽政仁鄉人家世業儒自幼讀書即以古人自期待
落筆為文語意不凡故人知欽者亦以遠大期之充
儒學生員中成化丙午本府鄉試第四人天性孝成
化五年九月內母虞氏病故欽哀毀幾絕不御酒肉
廬墓三年如喪母時本縣申達本府奏

聞奉禮部雲字伍百拾柒號勘合到府委官親詣廬墓處所勘
實回申本部未蒙

旌表

戎憲坊郭人幼喪母事父哲孝每食必問所歆旦夕定
省不違疾則憂形于色歆以身代景泰六年哲患痢
甚劇憲焚香告天割左股肉和粥以進哲食之尋愈
壽至八旬卒憲異居叔智及嬭臯氏無子迎養如已
親人曰何厚如此憲曰叔吾父同氣薄之是薄吾父
也事之不懈叔亦以壽終嬭今年七十餘本縣奏

聞未蒙

旌表象山知縣凌傳作傳

京闈魁徐欽有詩見文章題詠類

樊孝子上杭省左丞許公書

車同軌書同文生逢盛世臣止忠子止孝景慕大賢
歡騰江浙之間喜躍林泉之下僭鳴瓦缶仰溷鈞韶
切惟自龍馬河圖卦畫泄先天之易而科斗文字典
謨載上古之書以至詩書禮春秋六經之道備矣其
間紀綱法度歷代之制坦然及觀西漢文章猶近古
人體製既趨而下寢失其真或淪於澆漓而無玄酒
大羹之醇或工於篆刻而乏璞玉渾金之質邪說行
而正理裂異端起而大義乖啓我昌期實惟先哲道
將行也文在茲乎屬四書既晦之餘重新宇宙發千

載不傳之秘默契聖賢有統有宗魯在先鄒在後先
知先覺許生北朱生南一以貫之無以異也行雷霆
鼓鼙曠揭日月燭晦冥上接往古下貽方來內備全
體外周大用豈止頡頏七十二賢之冠佩又將扶植
百千萬世之綱常不墜斯文克昌厥後恭惟

先生秀鍾河岳望重斗山道揆法守之表儀君子長
者之器宇乾坤間氣父子一家儒出儒門相傳相業
胷中色線補南面之衮衣膝下綵衣娛北堂之華髮
進退可度仕學俱優節用愛人使民何須論語半部
正心修身治國自有大學一章源之深者其流長膏

之沃者其光燁曩居憲府已馳冰蘖之聲及宰二司
又試鹽梅之手星臨左輔天惠南州昔者舊學甘盤
今見太平姬旦美教化移風俗洽政治潤生民長江
臣海之濱劔刀牛犢瘴雨蠻烟之地燈火詩書茅拔
彙征籟鳴機動所以常布之士願瞻烏履之光伏念
淵早違嚴訓惟日侍於庭闈未能奉潘母之輿門亦
捧毛生之檄或咲其非吏咲其非隱柰時乎為養時
乎為貧將諧菽水之懽遠罹風木之戚幾年廬墓死
亦如生亡亦如存十口累人仰何以事俯何以畜初
非矯俗以要譽不過安命以守常敢期疎賤姓名偶

玷孝廉旌表心懷感激顏厚怛怩雨露之澤不垂松
楸改色雲漢之章昭布蓬華生輝何以得此聲梁楚
間哉必有致吾堯舜之上者清風黃閣詎肯吹上青
天青壁丹崖每恨寅緣無地自是造化不言之妙豈
謂陽春有脚而來一瓣香為魯南豐歲之父矣萬頃
陂遇黃紵度婦斯受之渺：兮子懷井々其將慕若
必歛華就實當知復命歸根報德劬勞已難遂泣筭
卧冰之養回光衣被第常懷啣環結草之思淵不敏
不勝戰慄之至

余官句容政暇訪閱前人遺墨問得樊浩翁上許魯

空書一通與理深辭讀之三復起敬蓋以魯空一代
名儒而浩翁又容之孝子當紀之不忘遂命工續壽
於邑志亦高山景仰之意歟浩翁名淵吳公澄有傳
晉陽杜槃君用謹識

順孫

曹洵字文澤承仙鄉人吏部尚書義之孫性明敏早失父隨母張氏泣甚哀人見其幼未識父而知痛可謂天性孝也祖母夫人四子俱逝嘗誘洵曰汝長成我死當服喪三年洵曰無為是言願百歲壽庶得盡養人異之曰幼不知承繼之制而有承繼之心亦天性也甫成人以大臣裔例入太學明經待用因憂祖母成疾即告歸待養授以散官承顏悅色委曲盡孝深得祖母懽心祖母卒哀毀踰禮葬祭悉遵古儀居喪三年哀毀之情不已鄉人皆以順孫稱之

義士

○句容縣志卷之六

五十一

張觀字穀賓坊郭人性孝與弟謙篤友愛園產嘉瓜獻上人以為孝感所致洪武中邑人有與謙同名者坐事自經有司誣執繫京獄觀上訴不白俱死謙臨刑曰我被誣命也奈何及兄觀正色曰隣里有急尚且赴救兄拯弟難死何憾焉觀者為之洒泣親隣義而哀之合葬于邑南稱為義壟焉

張文禮張文德坊郭人兄弟一乳而生孩齡髫稚言貌皆相類非家親熟視之人莫能辨及其長也雍容友愛始終如一曾無間言鄉里靡不欽敬咸以和義翁

稱之因扁其堂曰尚義文禮卒文德悲痛不食尋卒
卒之時謂子姪曰我死當與兄同窆即以合葬共生
一十二子俱成立有曰銘者中永樂戊戌進士授行
人陞員外郎翰林待詔潘若水撰尚義堂記

居安字處謚居莊字處端坊郭人讀書明理正己治家
朝夕怡怡無幾微不合人以二難稱之處謚嘗語處
端曰人家兄弟分財異居多由異姓所惑吾與汝願
保終始至死亦當同穴弟曰諾復戒諸子曰吾兄弟
相處無失爾曹共見死當合葬處謚卒九年處端亦
卒子從其命合葬題曰難兄難弟之墓尚書楊寧為

句容縣志卷之六

五十二

之銘處謚處端皆善教子曰輔曰軫俱中鄉試

許閏字尚義號怡然坊郭人唐叔牙之裔性寬厚有威
儀讀書好義有借貸者應之不立券乾沒不還者亦
不較常設酒燕鄉鄰有德者號耆英會雖傾囊不吝
人以義士稱之御史方岳有贊

凌渭字永通崇德鄉人讀書知禮義性孝友年十四失
父哀毀骨立處兄弟極愛敬弟沼字永濡與之同商
於汴怡愉無間言沼亦敬事如父衣食必加厚之渭
常推讓不居人皆稱賞以為兄弟如凌氏者少矣念
二親早逝作堂揭著存二字以寓孝思平生周人之

急有不能婚喪者助之不吝嘗遇老嫗為官租泣諸塗即以白金代輸與數商同舟舟溺獨渭貨無恙輒分於衆畧無難色士大夫咸推重之年六十一卒於汴按察司副使里人張林撰墓碑銘見文章類

周禧上容鄉後白橋人天性孝友習尚禮義或見其無子勸以娶妾禧曰吾兄有子吾何妾為天順壬午自汴還有溺人順流舟傍急接入舟中灌以米飲乃甦詢知為漁婦遂逆舟數十里訪還其家咸化丙戌寓京邸拾白金十斤翌日客有謝聚泣至失所尋之禧審其實悉出以還分毫不受所酬又嘗商陶有誤與貨價十兩者禧覺亦追而還之其平生存心行事率類此後以疾卒妻劉氏亦自誓不再嫁致仕叅政張紳傳其事象山知縣凌傳銘其墓

節婦

宋李氏移風鄉王友筠妻年二十一歲友筠卒有子方週歲父母勸令改嫁李氏剪髮自誓寧死不更二夫淳祐間奏聞旌表門閭

元王氏白容鄉曹裕興母夫亡守節子幼家貧事姑克盡其孝皇慶元年部擬旌表門閭

于闐氏江淮等處行中書省平章政事阿里別之女贈

榮祿大夫大司徒上柱國容國公帖木兒普化之妻
侍御史阿魯忽都之母大德丙午歲帖木兒普化任
建康廬州饒州牧馬戶達魯花赤卒於溧水于氏居
喪執禮以儉率下家能完居詔旌表其門卒贈容國
夫人葬上容鄉仇山之陽虞集奉勅題其墓

王氏坊郭張進甫之妻進甫沒王年二十八子文聰在
襁褓育以成立終身守節不移壽九十而卒

張氏名守貞陰有光妻年十五歸有光六年先亡哭以
死誓父母迎歸許嫁尹子張知即自刎明日姑至復
甦告曰不幸至此母以新婦為念言既乃死

國朝

倪氏坊郭張謙妻謙坐誣與兄觀同死謙無子觀子達
謫戍崇山倪與謙姪孀婦全一奉母姑同至軍中雖
顛沛以禮自防達死弟逸調赤水全倪不憚險遠扶
持以往數十年閨門肅然倪氏年七十有四全一八
十有三而終逸子孫祔全一於其家廟

譚氏坊郭張達妻年三十一達征祿肇死撫二子麒麟
隨達弟逸往赤水終養其姑育二子成壽六十六終
許氏福祚鄉孔士傑妻年十八士傑卒居喪五月生子
居敬撫育成人養舅姑于終守節三十六年洪武中

旌表其門

王氏崇德鄉萬壽春妻年十七歸春方四月春卒王氏
願終養舅姑不嫁姑以長子壽山男弘毅為嗣撫愛
成人守節四十五年年六十二洪武壬申

旌表其門

石氏朱約妻年二十四歸于朱約甫一歲約病風軟石
侍奉湯藥三年約卒無子遺命育弟之子為嗣以至
成立家得完固洪武中

旌表其門進士趙仲衡作傳見文章類

周氏坊郭張德清妻年二十五清以疾卒子敏甫二歲

向容縣志卷之六

八五十五

聞旌表門閭鄭叔美有詩見題詠類

周氏苦節孝養舅姑育子成立寡居二十八年奏

鄧氏筮原善妻年十八歸筮氏未替善卒服喪三年剪
髮誓死不嫁辛苦五十餘年以成原善家業永樂初

旌表門閭

魏氏望仙鄉陳儀之妻年二十六儀亡嚮衣殯葬竭盡
心力甘貧苦節撫育三子皆至成立奏

聞旌表門閭

曹孝婦經氏承仙鄉曹均昂妻吏部尚書義之母溫柔
和順恪遵婦道姑父病婦奉湯藥累年如一日家衰

勤女工以助衣食姑亡哀毀幾絕終身痛慕不忘宗族以孝婦稱之有孝婦傳見文章類

王氏坊郭譚謙妻年二十六謙亡終身躬績紡以事舅姑舅姑卒泣告親隣助喪具以葬守節五十年奏

聞旌表門閭御史張諫有傳見文章類

凌氏名愛貞字惟靜句容鄉王王之妻年二十二王以疾卒凌號痛屢絕終喪敬養其姑克盡孝道奉姑命育兄子嗣宗繼祀迄今守節二十餘年未嘗出庭戶葛氏坊郭許宗庸妻年十九庸亡生子甫歲有女在娠即自誓不嫁惟辛勤以固家業教子成立女亦適人

句容縣志卷之六

五十六

守節四十餘年年六十三閨門斬然

譚氏山西按察司僉事移風鄉高志繼室正統二年志以提學卒於蒲時譚年二十五生子詢甫五歲譚携之從前妻子詔扶柩還葬教誨故事諸兄詔等有過必置志主于中堂命跪責之莫不敬服守節五十年終子孫百口賴以合爨

楊氏舉人張恪妻年二十九恪卒楊奉養翁姑撫二女一從夫命居喪七月生遺腹子旭育養以至成立二女皆適人翁姑以壽終喪葬盡禮本縣奏

聞未蒙旌表

張氏承仙鄉曹嘒妻年十九嘒亡子洵甫十月貨稟怯弱張恐莫能承嗣請命翁姑立嘒姪淇為後撫育洵淇俱至成立事翁姑以壽終孀居四十餘年本縣奏

聞未蒙旌表

王氏瑯瑯鄉余泰妻年二十五泰卒王躬紡績以養其姑育夫前妻遺女如所出姑卒喪葬盡禮以女歸里楊氏本縣奏

聞未蒙旌表

高氏坊郭居韓妻年二十二生子文甫三歲韓客于山東疾卒姪志歛棺歸葬高抱遺孤泣血幾死終喪奉

句容縣志卷之六

二十七

養舅姑壽終撫文成人孀居四十餘年本縣奏

聞未蒙旌表

徐氏坊郭樊庸妻年二十庸卒居喪五月生遺腹子永辛勤撫養成人奉養翁姑始終無倦意及終喪葬皆竭力為之孀居五十餘年本縣奏

聞未蒙旌表

壽官

朝廷屢頒

恩詔民年九十八以上素為鄉里推重者給與冠帶以榮終身耄耋之年烏紗白髮優游晚景抑何幸歟故備錄於志以見吾邑人皆脩德躋於壽域者多矣

朱克讓坊郭人質實無偽惟安本分自守成化十年以老壽榮膺冠帶每鄉飲必禮之為大賓壽一百零二歲終於家

張文美坊郭人德性純厚恬淡無欲成化二十三年冠帶有司鄉飲尊之為賓

○句容縣志卷之六

五十八

張約字孟節坊郭人精通醫術存心濟利祖在中父與敬子世安累世業醫一門種德享壽八十以上榮膺冠帶而終

徐惠字本仁坊郭人性鯁直異流俗尚禮義有智識壯年侍叔善明宰青邑擒獲賊魁不自有功後巡捕者皆得免罪陞職不勝戴德晚年表儀鄉黨無不敬服鄉飲請為上賓壽登八十冠帶以榮終身

楊埴字景榮坊郭人為人質朴讀書知大義居家友愛兄弟款分異公力勸不從遂以產業盡讓與之輒自外居人甚義之壽八十冠帶以榮終身

魯慶榮坊郭人稟性純篤不事矯飾壽八十冠帶
隆大猷崇明寺僧戒行老成勤於焚脩膺壽冠帶
經文通上容鄉人操稟剛毅為鄉里司直以八十冠帶
已上壽官畧著其行其餘不及詳述姑查卷案列
名于後

張林

徐邦美

趙叅

陳孟玉

姚文用

劉業廣

曹孟寧

項以弘

張時敏

江文義

潘景春

王克讓

居昂之

張孟和

徐彬

徐庸

王文安

高仲賓

張葵著

經士德

徐慶祥

義官

白容縣志卷之六

四十九

朝廷屢行

恩典省令有司勸民納粟以備賑濟給與冠帶以榮其身富
有之士我冠博帶光輝閭里抑何幸歟故備錄於志以
見吾邑人皆尚義樂於賑貸者多矣

張孟淳孟輔坊郭人兄弟敬讓協心成家鄉鄙重其有
德俱納粟賑邊以膺冠帶壽考令終

鄭昶政仁鄉人父本源俱好善樂施源精於醫道濟人
不求報昶以納粟冠帶子瑚克嗣先服亦冠帶榮身
朱琳福祚鄉輕財仗義樂交士夫成化二年納粟冠帶

王理通德鄉為人倜儻不羈雅愛斯文成化二年冠帶

楊善道移風鄉純篤好善其於淡薄成化二年冠帶

曹智承仙鄉重厚老成篤於教子成化二年冠帶

余全瑯琊鄉與子節仗義輕財人皆信重相繼冠帶

笄炫望仙鄉質實好義賑貸貧乏納粟冠帶

張銘福祚鄉勤儉起家以致巨富納粟冠帶

魚英福祚鄉質實以勤儉教子孫納粟冠帶

張恒坊郭人性淳厚善承家業納粟冠帶

張可仁坊郭人繼二祖雙桂善醫子廷玉亦精先業

一門好義納粟冠帶

何用文向容鄉兄弟儉約自幼以義納粟冠帶

張瀾崇德鄉誠於處人鄉族皆信服其德納粟冠帶

凌宗崇德鄉為人真實家雖富深藏若虛與群從兄

弟相處甚雍睦納粟冠帶

張賜政仁鄉性孝友善於幹蠶納粟冠帶

趙湘承仙鄉頗讀書尚義與姪珙皆冠帶

趙綸承仙鄉端重有容為人所敬以納粟冠帶

朱春承仙鄉能以禮接人賑濟貧乏納粟以膺完帶

許鵬承仙鄉好義踈財喜於夸大納粟冠帶

紀瑛政人鄉屢賑飢荒立石冠帶

經文完上容鄉與兄文禮文綽文裕協力成家嘗出白金助脩儒學納粟冠帶

史誠望仙鄉高年純篤鄉人推重孫用之納粟請給冠帶榮廼終身

尚志福祚鄉讀書知義理能樹私家納粟冠帶徐祥福祚鄉善於理財樂與士夫交游納粟冠帶

劉愷移風鄉質直好義急於濟人納粟冠帶孔公銛福祚鄉宣聖五十八代孫剛直不阿納粟冠帶

鄒思圓來蘇鄉儉約不高華靡納粟冠帶鄒孟常來蘇鄉性疎散家富肯濟貧乏納粟冠帶

孔承林福祚鄉宣聖六十六代孫積財能施納粟冠帶李漢移風鄉處事公直為鄉里敬信納粟冠帶

丁能來蘇鄉質朴無偽納粟冠帶王煦通德鄉慷慨不拘小節納粟冠帶

楊德章上容鄉積穀累萬鄉里皆得所濟納粟冠帶鄒繼立來蘇鄉能以勤儉成家納粟冠帶

華昂坊郭人讀書好詩文父景德子用文皆以醫鳴存心濟利納粟冠帶

嚴尚能坊郭人兄弟尚禮義純於友愛納粟冠帶朱珰向容鄉篤實老成兄弟和睦納粟冠帶

江彦璽坊郭人家富饒勤于農商納粟冠帶

劉永讓坊郭人以醫鳴于時納粟冠帶

羅以昭坊郭人質朴尚儉約納粟冠帶

章英福坊鄉純篤不作智巧納粟冠帶

徐福崇德鄉善理家業兄弟雍和納粟冠帶

胡善崇德鄉性敏接人有儀納粟冠帶

胡叔義承仙鄉明於醫道尚義納粟冠帶

戴琬臨泉鄉坦直不尚阿佞能以義濟人納粟冠帶

王道通德鄉勤商儉以致富納粟冠帶

鄒思勉來蘇鄉朴素無求於人納粟冠帶

向容縣志卷之六

六十二

王聰崇德鄉儉朴立家直以處人納粟冠帶

錢本寧瑯琊鄉剛直不徇於人納粟冠帶

王華坊郭人勤於理家處鄉鄙以和納粟冠帶

盧廷吉本貫山東以商致饒裕占籍向容納粟冠帶

趙怡望仙鄉個儻仗義招延士夫館穀不倦納粟冠帶

戎永通坊郭人讀書明醫好義樂施納粟冠帶卒于家

汪敏謙來蘇鄉樂善好施周濟貧乏屢以粟賑濟立

石冠帶病卒于家

已上義官畧者其行其餘不及詳述姑查卷案

列名于後

唐安句容鄉人

何用禮句容鄉人

歐陽昂移風鄉人

章杞移風鄉人

王永茂移風鄉人

胡興崇德鄉人

潘春崇德鄉人

成肅承仙鄉人

孫庸福祚鄉人

唐演上容鄉人

韓璽上容鄉人

李永正臨泉鄉人

端斌臨泉鄉人

劉俊通德鄉人

紀思榮望仙鄉人

紀鐫望仙鄉人

陳傑九望仙鄉人

華玘望仙鄉人

竇富移風鄉人

國朝

名醫

王聖俞本縣人能察壽脉

栢景常坊郭人善治傷寒

俞慶恭龍潭人醫鳴京師

戎子儀坊郭人外科通神

李世安坊郭人接骨立效

何洪本坊郭人能治嬰兒

奇術

李本泉坊郭人精於課命

何秉常坊郭人靈於占

倪景成承仙鄉人善於風鑿

王馭兒瞽目人神於推筭

王狗兒名禎龍潭人熟於子平與王馭兒並稱於時

孔東昌青元觀道士精於符術祈禱克應

能書

黃瑛字良潤號玉田縣之坊郭人洪武初以明經及字學進授應天府學教授自以天下興文教之始應天又首先之地益苦于學書法造詣精妙瑛子銓字衡可號金鼎洪武間亦以字學選內翰時大臣議開漂水天生橋以銓為鄰封諳地勢遂改簿漂水銓豪放門無請謁所至惟求詩字而已銓子中字永正號磨玷克繼父志有孝行工詩文書法永樂中進士重孟黼搜訪隱逸力辭不就中子敬字士賓號侯命少以嗣承家學自誓四壁蕭然未嘗有動於中惟工詩文字學祭酒丘濬閱其書法扁曰黃氏世翰郎中楊榮題曰四代能書總右軍興來吞吐墨池雲九天風雨龍蛇動猶有文光耀子孫

善畫

周文矩句容人事李煜為翰林待詔善畫行筆瘦硬戰掣有煜書法工道釋人物車馬樓觀山林泉石不墮吳曹之習自成一家獨士女近類周昉纖麗過之郝澄字長源句容人作道釋人馬筆法精勁善設色尤工寫貌畫者必於形似往往乏神氣澄於形外獨得精神氣骨之妙故當時咸推重之

僊釋

展上公高辛時人定錄君嚙言展先生昔學道於伏龍地植李彌滿所住之山先生今為九宮右保司真嘗語諸仙云昔在華陽食白李味異美憶之未久忽已三千年矣

漢三茅君兄弟三人長諱盈字叔申次諱固字季偉次諱衷字思和咸陽南關人漢元帝時入句曲山學仙成道盈為大司命君固為定籙真君衷為保命星君詳見茅山志

吳葛仙公名玄字孝先句容人嘗從吳主至溧州遇大風

句容縣志卷之六

六十五

船皆覆沒玄獨出水上而衣履不濕吳主異之為立洞玄觀於方山後白日昇舉今方山猶有玄煮藥鑪及藥臼

許邁字叔玄一名映丹陽句容人家世士族而邁少恬靜不慕仕進未弱冠嘗造郭璞璞為之筮遇泰上六爻發璞謂曰君元吉自天宜學道時南海太守鮑靚隱跡潛遁人莫之知邁乃往候之探其至要父母尚存未忍違親謂餘杭懸雷山近延陵之茅山是洞庭西門潛通五嶽陳安世茅季偉常所游處於是立精舍於懸雷而往來茅山之洞室放絕世務以尋仙館

朔望時節還家定省而已父母既終乃遣婦孫氏還家携其同志徧游名山永和一年移入臨安西山登巖茹芝眇爾自得終焉之志改名玄字遠遊與婦書告别又著詩十二首論神僊事王羲之造之未嘗不彌日忘歸相與為世外交自後莫測所終

宋楊羲和名羲句容人幼而通靈與二許結神明之交博學工書為公府令興寧乙丑衆真降所居後乘雲駕鶴仙去云

桓闓事陶隱居於茅山華陽館執爨白常脩行其道後乘白鶴中舉又有李明長官避世不仕隱居句曲鬱岡山丹成升玄洲今舊迹存焉

國朝

岳壽山坊郭人風骨奇異落魄無羈性嗜酒醉後顛舞若不解人世者嘗為里中措造黃冊及期莫措一字里正督之甚急一夜遂完隱跡而去但於筆管中窺見數字剖開乃留別家信人皆驚異始知其成仙也後鄉人每遇諸途

唐融禪師姓常本潤州延陵人年十九通經史從茅山吳法師落髮出家居石室中脩道虎鹿馴伏數有靈異唐貞觀中曰祖信禪師傳達磨心印知融可傳道遂

授以法要號一代祖師

元雪村髮禪師姓劉本潤州金壇人博精儒典不落塵俗至正間入句容崇明寺觀音院禮法增為師戒行孤高語言超邁說法講經不迷正理所著有雪村語錄狀元歐陽玄重其為人寄以詩曰聞道淮南集住峯黃金側布梵王宮星辰夜遶闌干外花雨晨分澡井中祖塔燈後天闕下僊巖水與海門通高人說法應無恙千里神交道味同

國朝

正果號天然溧陽人性純篤不妄言笑自幼禮南京鷄

句容縣志卷之六

六十七

鳴寺古心禪師誦佛氏書明心悟性了無俗累天順四年住持句容興教禪寺恪守清戒多為縉紳士夫所重長洲戴冠贈以詩曰語言行步甚從容七十高年面若童不妄不貪僧楷範無嗔無怒佛家風月明止水心源淨花落閑庭色相空歎識此身因果事重來石上問生公邑令太原張公尤異之嘗為作竹深處詩見題詠類

方伎

漢李南字孝山句容人少篤學明於風角和帝永元中太守馬稜坐盜賊事被徵當詣廷尉吏民不寧南特通

謁賀稜意有恨謂曰太守不德今當即罪而君反相
賀耶南曰旦有善風明日中時應有吉問故來稱慶
旦日稜延望景晏以為無徵至晡乃有驛使齎詔書
原停稜事南問其遲留之狀使者曰向度宛陵浦里
旋馬蹶足是以不得速稜乃服焉後舉有道辟公府
病不行終于家南女亦曉家術為由拳縣人妻晨詣
爨室卒有暴風婦便上堂從姑求歸辭二親姑不許
乃跪而泣曰家世傳術疾風卒起先吹竈突及井此
禍為婦人主爨者妾將亡之應因著其亡日乃聽還
家如期病卒

異行

葛祚字亢先向容人吳時作衡陽太守郡境有大槎橫
水能為妖怪百姓為之立廟行旅過必要禱祠槎乃沉
沒不著槎浮則船為破壞祚將去官大具斧斤之屬將
伐去之明日當至其夜廟保左右居民聞江中洶洶有
人聲非常咸怪之旦往視槎移去沿流下數里駐於灣
中自此行者無覆溺之患衡陽人美之為祚立碑以頌
其盛德異行